



# **DIKUATSHISHA DIFUME MU DIULU**

MULONGOLOLA KUDI  
M. WATSON GOODMAN

MUKANDA MUPEBUE  
KAKUYI MUSHINGA

## **DIKUATSHISHA DIFUME MU DIULU**

Mukanda ewu, “DIKUATSHISHA DIFUME MU DIULU”, udi muenze mukese mushindu ewu bua mubadi udi mau kuwela mutshibombo tshiende ne kuutuala kuonso kudiye uya. Bu mudiye musungule mvese mishilangane pa bualu ne bualu, mbua kuleja ne, Mvese nkayayi idi ikuatshishangana bua kutujinguluila malu adi mafunda mu Mukanda wa Nzambi.

Diyi dia Nzambi ndikuatshisha didi difume mu diulu. Meyi andi adi atamba kuambuluisha muena mutshima udi ne nyota ne nzala ya buakane. Padi muntu unyingalala bua bubi buende, ubukuoma nyima, weyemena Yesu Kilisto ne muoyo wende mujima bua kumujimijila bubi abu, Mukelenge Yesu neadimueneshe kudiye, umupa disanka ne bupuole bia muntu mubingishibue. Meme, mulongolodi wa mukanda ewu, nakukudimuna mutshima wanyi mushindu ewu mu tshidimu tshia 1937. Katshia ngenze bualu abu, tshieni muanji kushipa buobumue ne disanka ne Mukelenge wanyi. Biwikala kuwi muanji kuenza bualu ebu, ndi nkusengelela bua kubuenza mpindiewu.

—Watson Goodman (1920-2002)

# DINANGA DIA NZAMBI

1

## Yelemiya 31.3

Yehowa wakamueneka kundi kale, wamba ne, Nakukunanga ne dinanga dia tshiendelele, nunku nakunanukila kukulesha luse luljalame.

## Lomo 5.8

Kadi Nzambi wakatamba kulesha luse luandi kutudi mu munda eu ne, Hatutshivua bantu babi, Kilisto wakatufuila.

## Yone 13.1

Diambedi disanka dia Kuhiita kua Yehowa kadî dianze kulla, Yesu wakamanya ne, Dibadianyi dia kumuka ha buloba bua kuya kudi Tatu diakufika,

yeye mumane kusua bandi me-ne bakadi ha buloba, wakaba-sua tô ne kunshikidilu.

## Buakabuluibua 1.5

Ne kudi Yesu Kilisto, muma-nyishi wa kueyemena, muledibue diambedi wa ku bafue, ne muko-keshi wa bakelenge ba ha buloba. Kudi yeye udi utunanga, ne wa-katuvua ku mibi yetu mu mashi andi mene.

## Yone 3.16

Bualu bua Nzambi wakata-mba kusua ba ha buloba, yeye wakabaha Muan'andi umuehele mulela bua muntu yonso wa-muitabusha kafu biandi, kadi ikale ne muoyo wa tshiendelele.

**Matayo 1.22, 23**

**Malu â onso akalua bua kushikisha dî dia Mukelenge diakambabo kudi muprofete ne, Mukashi utshidi kamama neimite difu, nealele muana mulume, Nebamuidike dina ne, Imanuele, kuanadamuna kua muaku ne, Nzambi udi n'etu.**

**Yone 14.9, 10**

**Yesu wakamukonka ne, Filipo, nakadi n'enu musangu bule nunku, wewe kuena munmanyi, anyi? Wakuntangila meme wakutangila Tatu; ahu munyi mûdi wamba ne, Utuleshe Tatu? Kue-**

**na witabusha ne, Meme ndi munda mua Tatu, Tatu udi munda muanyi, anyi? Tshienâ ndiambila mei andi nuambila; Tatu udi muikale munda muanyi utu wenza malu andi.**

**Yone 1.1 ne 14**

**Ku tshibangidilu Dî diakadi-ku, Dî diakadi ne Nzambi, Dî diakadi Nzambi. . . Dî diakakudi-muka muntu, diakuikala munkatshi muetu tshituha, diakadi diule tente ne ngasa ne bulella; tuakumona butumbi buandi, buakadi bu bua muana umue-hele udi mulela kudi Tata wandi.**

## Luka 1.35

Muanjelo wakamuandamuna ne, Nyuma Muimpe nealue kûdi, ne bukole bua Udi Mutambe Bunene wa mu diulu nebukubukile bu ditutu; nebidike muana wa tshijila uwalela ne, Muana wa Nzambi.

## Matayo 17.5

Hakatshidiye wamba nunku, monai, ditutu diengelela diakababuikila; dî diakaluhuka mu ditutu ne, Eu udi Muan'anyi munanga, ye ye udi unsankisha bimpe, munvuilai.

## Yeshaya 9.6

Bualu bua bakutulelela muana, bakutuha muana mulume; bu-

kokeshi nebuikale ha diaha dia ndi. Nebamuidike dina ne, Mu bakemeshi, Muena Meji, Nzambi Mukole, Tatu wa Tshie ndelele, Mukelenge wa Ditalala.

## 1 Yone 4.15

Muntu yonso udi ujukula ne, Yesu udi Muana wa Nzambi, Nzambi utu wikala munda munda, ne ye ye utu wikala munda mua Nzambi.

## Kolosai 2.9

Bualu bua munda mua Kilisto nkayandi mudi muikale tshiuwi di tshijima tshia Bunzambi mutshikadilu tshia mubidi.

# YESU WAKADI NGANYI?

## Yone 10.7

**Yesu wakabambila kabidi ne,  
Bulelela, bulelela, ndi nuambil  
ne, Meme ndi mushiku wa mbelu  
wa mikoko.**

## Yone 6.35

**Yesu wakabambila ne, Ndi  
bianyi bidia bia muoyo; walua  
kundi kena wikalala ne nsala, wa  
ngitabusha kena wikalala ne nyota.**

## Yone 13.13

**Nudi numbikila ne, Muyishi  
ne Mukelenge; nudi nuamba bi  
mpe, bua meme ndi nunku.**

## Yone 11.25

**Yesu wakamuambilala ne, Me  
me ndi bianyi dibisha, ndi bianyi**

**muoyo: udi ungitabusha, nasha  
biafueye, neikale ne muoyo kab  
idi.**

## Yone 8.23

**Yeye wakabambila ne, Nuenu  
nuakufuma hanshi, meme naku  
fuma mulu; nuenu nudi ba ha  
buloba ebu, meme tshienwa ha ha  
buloba ebu.**

## Yone 9.5

**Hantshidi ha buloba, ndi mu  
nya wa ba ha buloba.**

## Yone 8.58

**Yesu wakabambila ne, Bulele  
la, bulelela, ndi nuambilala ne,  
Diambedi kabai banze kulela  
Abalahama, meme ndiku.**

## Luka 5.4-6

Hakalekeleye kuakula, wakambila Simona ne, Semesha buatu ku mai male, nuhuekeshe tuhamba, nukuate minyinyi. Simona wakandamuna ne, Mukelenge, tuakadi ne mudimu butuku tō, katuakukuata tshintu; kadi nempuakeshe tuhamba bualu bua dī diebe. Hakenzabo nunku, kakunguisha minyinyi ya bungi; tuhamba tuabo tuakamba kutuanyika.

## Matayo 14.19-21

Wakambila bisumbu bia bantu ne, Shikamai ha mashinde; wakamema mitanda itanu ne mishiha ibidi; hakatangileye mulu, waka-

tendelela Nzambi, wakabitshibula, wakabifila mu bianza bia bayidi, bayidi bakaha bisumbu bia bantu. Buonso buabo bakadia, bakukuta; bakangula bihesa bia bidia biakushala bisaka dikumi ne bibidi biule tente. Bantu bonso bakadia bakadi balume binunu bitanu, ne bakashi ne bana.

## Matayo 20.30 ne 34

Balume babidi bafofo bakadi bashikame kukala kua nshila; hakunvuabo ne, Udi uhita nYesu, bakela mbila ne, Mukelenge, muana wa Davidi, utufue luse. . . Luse luakakuata Yesu, wakabalenga ha mesu abo; bakatabala lukasa, bakamulonda.

# **6 YESU KILISTO UDI MUFUKI NE MUKELENGE**

## **Bienzedi 2.36**

**Ka Bena Isalele bonso bamanye bushua ne, Nzambi waku-vuisha Yesu eu unuakushiha ku mutshi mutshiamakane Mukelenge ne Kilisto kabidi.**

## **Ebelu 1.2**

**Nzambi . . . kunshikidilu kua matuku â wakatuambila bietu dî kudi Muana wakatekeye mu-hianyi wa bintu bionso, waka-fukeye n'andi buloba kabidi.**

## **Kolosai 1.16**

**Bualu bua munda muandi muakafukibua bintu bionso bia mu diulu ne bia ha buloba, ne**

**bintu bidi bimuenebua ne bintu bidi kabî bimuenebua, ne bidi nkuasa ya butumbi anyi makele-nge anyi manfumu anyi makokeshi; bintu bionso biakafukibua ku bukole buandi ne bua bualu buandi.**

## **1 Kolinto 1.9**

**Nzambi udi wa kueyemena, ye-ye nguakanubikila mu buobumue bua Muana wandi Yesu Kilisto Mukelenge wetu.**

## **Lomo 14.9**

**Bua bualu ebu Kilisto waka-fua, ne wakadi ne muoyo kabidi, bua yeye ikale Mukelenge wa ba-fue ne wa badi ne muoyo kabidi.**

# **YESU KILISTO UDI MULUMBULUISHI WA BONSO 7**

## **Yone 5.22**

Tatu kena ulumbuluisha muntu, kadi yeye wakuha Muana bulumbuluishi buonso.

## **Bienzedi 10.42**

Yesu wakatuambila bikole ne, Nuambile bantu bualu ebu, nubamanyishe ne, Eu nyeye wakusungudibua kudi Nzambi bua kui-kala Mulumbuludi wa badi ne muoyo ne wa bafue.

## **Lomo 14.10**

Ahu wewe, udi ulumbuluisha muan'enu bua tshinyi? Anyi we-wé kabidi, udi uhetula muan'enu bua tshinyi? Bua buonso buetu netuimane ku mpala kua tshilumbuluidi tshia Nzambi.

## **2 Timote 4.1**

Ndi nkuambila bikole ku mesu kua Nzambi ne kua Kilisto Yesu, ulualua kulumbuluisha badi ne muoyo ne badi bafue, bua dimue-neka diandi ne bua bukelenge buandi.

## **Lomo 2.16**

Nunku nebalumbuluishibue ku dituku didi Nzambi ulumbulula malu masokome a bantu kudi Yesu Kilisto, bu mudi lumu luimpe luanyi luamba.

## **Matayo 25.32**

Bisamba bionso nebisangakané ku mpala kuandi, yeye neabatahulule bu mudi mulami utahulula mikoko ne mbushi.

# DIPIKULA DIDI KUDI KILISTO

## Ebelu 7.25

Nunku yeye udi ne bukole  
buu kusungila ne luhandu lujima  
badi basemena ha buhi ne Nza-  
mbi buu bualu buandi, yeye mui-  
kale ne muoyo tshiendelele bua-  
lu buu kubakuila.

## Yone 10.9

Meme ndi mushiku wa mbelu;  
wabuela kundi, neasungidibue,  
neabuele, neahatuke, neahete ma-  
shinde.

## Yone 8.24

Ebu mbualu bunakunuambila  
ne, Nenufue mu mibi yenu; binui-  
kala kanui nungitabusha, nenu-  
fue mu mibi yenu.

## Bienzedi 4.12

Mu munga muntu yonso ka-  
muena luhandu, bualu bua kakue-  
na dinga dina munshi mua diulu,  
dih a bantu, didi dimanye mua  
kutusungila.

## Yone 14.6

Yesu wakamuambila ne, Meme  
ndi bianyi nshila ne bulelela ne  
muoyo; kakuena muntu udi ulua  
kudi Tatu, kai muanze kulua  
kundi diambedi.

## Ebelu 5.9

Hakavuishibueye ne buakane  
buonso, yeye wakalua muenzeshi  
wa luhandu lua tshiendelele ku-  
di bonso badi bamutumikila.

## Kolosai 1.12-14

Nusakidile Tatu, wakatuvuisha bantu badi mua kuikala babanyanganyi ba buhianyi bua basanto bua mu munya. Nyeye wakatuhandisha ku bukokeshi bua midima, wakatubuesha mu bukelenge bua Muana wa dina-nga diandi, utudi ne kuhikudi-bua kuetu munda muandi, nku-jimisha kua mibi yetu.

## Buakabuluibua 5.9

Badi bimba musambu muhia-muhia, bamba ne, Wewe udi ne buakane bua kuangata mukanda ne bua kulamuna bimanyishilu biau. Bualu bua wewe wakashihiba.

bua ne wakasumbila Nzambi ba mu tshisamba tshionso, ne ba mu muaku wonso, ne ba munkatshi mua bantu bonso, ne ba munkatshi mua ditunga dionso, ku mashi ebe.

## Luka 19.10

Bualu bua muana wa muntu wakuluila bua kukeba ne bua ku-sungila tshidi tshijimine.

## Tito 2.14

Yeye wakadifila bua bualu buetu, bua kutuhikula ku malu mabi onso, ne bua kudilenge-shila bantu badi mua kuikala bandi bine, bikala ne lukunuku-nu lua kuenza midimu mimpe.

# **10 DIBUIKILA DIA BUBI KU MASHI A KILISTO**

## **Lomo 5.9**

**Ke bualu budi butambe nunkune, Hatutshidi tubingishibua mpindiu ku mashi andi, netusungidibue ku tshishi tshia Nzambi kudiyе.**

## **Efeso 1.7**

**Tudi ne kuhikudibua kuetu kudiyе bua mashi andi, ne kubukidibua kua malu mabi etu bu mudi bubanshi bua ngasa wandi.**

## **1 Petelo 1.18, 19**

**Bualu bua nudi bamanye ne, Tuakahikudibua, kenku bintu bidi bijimina, ku argent anyi ku ngolo, mu malu a hatuhu a muoyo wenu akanushilabo kudi batatu'enu; kadi nuakahikudibua ku**

**mashi a mushinga mukole, bu a muana wa mukoko kai ne tshilema ne kai ne ditoba, ku mashi a Kilisto mene.**

## **1 Yone 1.7**

**Kadi bituenda mu munya, bu mudiye mu munya, tudi tuikalangana ne buobumue, ne mashi a Yesu, Muan'andi, adi atulengesha ku mibi yonso.**

## **Ebelu 9.14**

**Mashi a Kilisto, wakadifila ku-di Nzambi kai ne ditoba, bua Nyuma wa Tshiendelele, neata-mbe misangu bungi munyi kulengesha muoyomukese webe ku midimu mifue bua kukuatshila Nzambi udi ne muoyo mudimu?**

## Lomo 5.1

Nunku bualu bua tuakabingishibua ku ditabusha, tuikale ne ditalala ne Nzambi bua Mukelenege wetu Yesu Kilisto.

## 1 Yone 5.4

Bualu bua muanda wonso udi muledibue kudi Nzambi udi uhita malu a ha buloba bukole; ne edi ndihita diakuhita malu a ha buloba bukole, nditabusha dietu.

## Yone 6.28, 29

Bakamukonka ne, Netuenzestshinyi bua tuetu kuenza midimu ya Nzambi? Yesu wakabandamu ne, Mudimu wa Nzambi udi nunku: nuitabushe wakatumeye.

## Yone 20.31

Kadi malu â adi mafundibue bua nuenu nuitabushe ne, Yesu udi Kilisto, Muana wa Nzambi; ne bua nuenu nuikale ne muoyo mu dina diandi, hanuitabusha.

## Galatia 5.6

Bualu bua mu Kilisto Yesu, bikala muntu mutengula anyi bika-leye kai mutengula, kakuena bualu, kadi anu ditabusha didi die-nza malu mu luse.

## Efeso 2.8, 9

Bualu bua nudi basungidibue ku ngasa bua ditabusha; ne diodi kadiena difuma kunudi, ndiha dia Nzambi; kadiena difuma ku midimu, bua muntu kaditumbishi.

**Misambu 108.4**

Bualu bua luse luebe lujalame  
ludi lunene, lufika tō ne ha mutu  
ha diulu; lulamatu luebe lua bu-  
shuwa ludi lufika ku matutu.

**Misambu 103.17**

Kadi luse lujalame lua Yeho-  
wa ludi ku tshibangidilu tō ne ku-  
nshikidilu kudi badi bamuneme-  
ka. Buakane buandi budi kudi ba-  
na ba bana baledibue.

**Tito 3.5**

Kembua midimu ya mu bua-  
kane ituakenza nkayetu, kadi  
bu mudi luse luandi wakatusungi-  
la, bualu bua diuvua dia kuledi-

bua kua tshiakabidi ne bua mi-  
tshima mihamihia yakatuhabo  
kudi Nyuma Muimpe.

**Muadi 3.22,23**

Malu makane a Yehowa kaena  
ashika tshiendelele, ne luse lu-  
andi kaluena luhanga; bidi bihibia-  
bihia ku dinda ku dinda, bujala-  
mi buebe budi butamba bunene!

**Mika 7.18**

Nganyi udi Nzambi bu wewe,  
udi ubajimishila bubi, udi ule-  
kela difuka dia buhianyi buandi  
bubi bua ditomboka diabo? Ye-  
ye kena ushala ne tshiji tshi-  
endelele, bualu bua udi usanka  
bua kulesha bantu luse lujalame.

## Matayo 11.28

Luai kundi, bonso badi ne mudimu mukole, badi ne bujitu bunene, meme nenuhe dikisha.

## Yeshaya 55.1

Telejai! Nuenu bonso badi ne nyota, nulue bienu ku mai; nansha kanuyi ne argent, nulue bienu, nusumbe bienu, nudie bienu! Eyo, nulue bienu, nusumbe nvi-nyo ne mabele kanuyi ne argent, kanuyi ne mushinga.

## Yeshaya 1.18

Yehowa udi wamba ne, Luai bienu, tuhunge dî bua bualu ebu: nansha bikala mibi yenu miku-

nzekunzû, neyikale ne butoke bua neige; anyi bikalayi mikunze bu mashi, neyikale mitoke bu mio-sa ya mikoko.

## Yone 7.37

Hakalua dituku dia kunshiki-dilu dia disanka, diakadi dituku dinene, Yesu wakimana, wakela dî diandi bikole ne, Bikala muntu ne nyota, alue kundi, anue.

## Buakabuluibua 22.17

Nyuma ne mukashi musela badi bamba ne, Lua. Udi unvua, ambe biandi ne, Lua. Ne udi ne nyota, alue biandi; udi musue, angate mai a muoyo tshianana.

**Lomo 8.14, 15**

Bonso badi balombodibua ku-di Nyuma wa Nzambi, bobo badi bana ba Nzambi. Bua kanuakua-ngata nyuma wa buhika tshiaka-bidi bua kutshina; kadi nuakua-ngata nyuma wa buhianyi bua bana utudi tubikila n'andi Nzambi ne, Aba, Tatu.

**2 Kolinto 6.17, 18**

Nunku umukai munkatshi muabo, nuikale batahuluke, bu mudi Mukelenge wamba; Kanulengi tshintu tshibiha, ne meme nenuitabushe, Nengikale kunudi bu Tatu, ne nuenu nenuikale kundi

bu bana balume ne bana bakashi, Mudi muamba Nzambi wa Bu-kole Buonso.

**Yone 1.12**

Yeye wakaha bonso bakamui-tabusha bukole bua kuluabo bana ba Nzambi, bobo mene badi bi-tabusha dina diandi.

**Filipoi 2.15**

Bua nuenu nulue bantu badi kabai ne bualu ne badi ne mitshima mitoke, bu bana ba Nzambi badi kabai ne tshilema munkatshi mua bena tshikondo tshikonyangala ne tshia tshishiku; banudi numueneka munkatshi muabo du minda ya ha buloba.

## Lomo 13.13,14

Tuendakanai bietu bilengele, bu mutudi tuenda mu munya; katuendi mu manaya a tshianana ne mu bukuatshiki bua maluvu, mu malu a bundu ne a bienzenza bia masandi, mu kutandangana ne mukau. Kadi nudiluatshishe ne Mukelenge Yesu Kilisto; kanulongoluedi mibidi malu bua kumana nkuka yai.

## Galatia 5.19-21

Malu mabi adi mubidi wenza adi amueneka ne, Tshiendenda tshia malunda mabi, meshi mabi, masandi, ditendelela dia mpingu, kuhaka kua manga, lukuna, ku-

tandangana, mukau, tshishi, kuhuluka, mpata, diyoyo, mutshiaudi, bukuatshiki bua maluvu, manaya a bundu ne malu â onso; ndi ndianjila kunudimusha bu munakamana kunudimusha diambedi ne, Bantu batu benza malu â kabena bahiana bukelenge bua Nzambi.

## Nsumuinu 23.31, 32

Kutangidi maluvu a nvinyo hatshidiu makunze, hadiu engelela munda mua luhanza, hadiye ubueka bitekete ha muminu. Kunshikidilu adi asuma bu nyoka, adi asuma bu nyoka wa mbanvu.

Mâko 10.17-22

**Hakadiye uya mu nshila, muntu wakalua lubilu kudiye, wakamutuila binu hanshi, wakamukonka ne, Muyishi muimpe, nenge-nze tshinyi mua kuhiana muoyo wa tshiendelele? Yesu wakamuambila ne, udi umbikidila meme ne, Muimpe, tshinyi? Kakuena munga muimpe anu Nzambi. We-we udi mumanye mikenshi ya Nzambi ne, Kushihî muntu, kue-ndi masandi, kuibi, kudingidi muntu, kunyengi tshintu tshia muntu, unemeke tatu'ebe ne mamu'ebe. Nsongalume wakamuambila ne, Muyishi, nakenzenza malu â onso, hanakadi muana**

mukese ô ne katataka. Yesu wakamutangila talala, wakamunga, wakamuambila ne, Bualu bumue mbukushala; ya biebe, uhane biudi n'abi bionso, ubihe bantu bahele, newikale ne bintu mu tshibutshilu mu diulu, ulue kundonda meme. Hakunvueye dî edi, wakabungama, wakaya unyngalala; bualu bua ye ye wakadi ne bintu bia bungi.

Matayo 22.37, 38

Yesu wakamuambila ne, Sua Mukelenge Nzambi webe ne mutshima webe wonso ne muoyo webe wonso ne lungenyi luebe luno. Ke mukensi munene, udi wa kumudilu.

## Yakobo 1.22

Kadi nuikale benji ba dî, kaniukadi anu bunvui badi, bua nunku nudi nudidinga.

## Galatia 6.3

Bikala muntu udiela meshi ne,  
Ndi muntu munene, hatshidiye  
muntu wa tshianana, ye ye udi  
udidinga.

## 1 Kolinto 6.9, 10

Kanuena bamanye ne, Bantu  
babî kabena bahiana bukelenge  
bua Nzambi, anyi? Kanudingibû;  
bena tshiendenda, anyi bena mpi-  
ngu, anyi bena masandi, anyi ba-  
dileshi bu bakashi, anyi balume  
badi benzelingana malu a bundu,  
anyi bibi, anyi bena lukuka lúa

bintu, anyi bakuatshiki ba malu-  
vu, anyi bahendanganyi, anyi ba-  
nyengi ba bintu, kabena bahiana  
bukelenge bua Nzambi.

## 1 Yone 3.7, 8a

Bana bakese, muntu kanuhambuishi; muntu utu wenza malu makane udi muakane bu mudiye  
Yeye muakane; ye ye utu wenza  
bibi udi wa diabolo; bualu bua  
diabolo udi muenze bibi ku tshibangidilu. . .

## Efeso 5.6

Muntu kanudingi ne mei a ha-  
tuhu; bualu bua malu â tshishitshia  
Nzambi tshilualua kudi bana ba buhidia.

**Lomo 8.6**

Bualu bua meshi mateka ku malu a mubidi adi lufu, kadi meshi mateka kudi Nyuma adi muoyo ne ditalala.

**Lomo 5.12**

Nunku, bu muakalua bubi ha buloba bualu bua muntu umue, ne bu muakalua lufu bua bubi, abu, nunku lufu luakafika kudi bantu bonso, bua bonso bakenza malu mabi.

**Luka 15.32**

Biakadi bimpe bia kusaba ne kusanka, bualu bua muan'enu eu wakadi mufue, udi ne muoyo kabidi; wakadi mujimine, waku-mueneka.

**Yakobo 1.15**

Hashishe lukuka, himitalu, ludi lulela bubi: ne bubi, hakolabu, budi bulela lufu.

**Nsumuinu 11.19**

Udi mushindame mu buakane neahete muoyo, kadi udi ulonda bubi neafue biandi.

**Yehezekele 18.20**

Muntu udi wenza bibi nyeye muine udi ufua; muana wa balume kena ne bua kuhila bua mibi ya tatu, ne tatu kena ne bua kuhila bua mibi ya muan'andi wa balume. Buakane bua muntu muakane nebuikale ham'bidi handi, bubi bua muntu mubi nebuikale ham'bidi handi.

## Buakabuluibua 1.18

Ne Udi ne muoyo; nakadi mufue, ne mona, ndi ne muoyo tshiendelele, ne ndi ne nvungula ya lufu ne ya Muaba wa Bafue.

## Luka 7.14, 15a

Wakalua ha buihi, wakalenga tshituadilu tshia tshitalu tshianza; batuadi batshi bakimana. Yesu wakamba ne, Nsongalume, ndi nkuambilila ne, Bika. Wakadi mufue wakabika, wakashikama, wakabanga kuakula. . .

## Yone 11.43, 44

Hakambeye nunku, wakela di diandi bikole ne, Lazalo, luhuka.

Wakadi mufue wakaluhuka, munyengela bilulu ku bianza ne ku makasa. Ku mpala kuandi kua-kadi kunyengela tshitambala. Yesu wakabambilila ne, Numujingule, aye biandi.

## Yone 10.17, 18

Ebu mbualu budi Tatu wanyi munsuile, ndi nteka muoyo wanyi hanshi bua meme kûangata kabidi. Kakuena mukuabo udi ûnyenga, ndi nditekelau hanshi nkayanyi. Ndi ne bukole bua kû-teka hanshi, ndi ne bukole bua kûangata kabidi. Nakuangata mukenshi eu kudi Tatu wanyi.

**Dutelenome 5.7-21**

**Kuikadi ne nzambi mikuabo ne  
meme hohamue.**

Kudisongidi luhingu anyi tshifuanyikishi tshia tshintu tshia mu diulu anyi tshia tshintu tshia hanshi ha buloba anyi tshia tshintu tshia mu mai adi muinshi mua buloba; kubinaminyi, kubitendedeli . . .

Kutedi dina dia Yehowa, Nzambi webe, tshitelatela, bua Yehowa kena ubingisha muntu ndi utela dina diandi tshitelatela.

Uvuluke dituku dia Lumingu, udijidile, bu muakanuambila Yehowa, Nzambi wenu. Ukuate mu-

dimu webe matuku asambombo, wenza midimu yebe yonso; kadi dituku dia muanda mutekete didi Lumingu lua Yehowa, Nzambi webe . . .

Unemeke tatu'ebe ne mamu'ebe bu muakanuambila Yehowa, Nzambi webe, bua matuku ebe ikale a bungi, ne bua wewe ukume dikasa dimpe . . .

**Kushihianganyi.**

**Kuendi masandi.**

**Kuibi.**

**Kudingidi mukuenu.**

Kukumi mutshima webe ku mukashi wa mukuenu, anyi ku nsubu wa mukuenu, anyi ku bu-

dimi buandi, anyi ku muhika wandi mulume anyi ku muhika wandi mukashi, anyi ku ngombe

wandi anyi ku mpunda wandi anyi ku tshintu tshionso tshia mukuenu.

## KUENA MUA KUNYEMA NZAMBI

21

### Nsumuinu 15.3

Mesu a Yehowa adi kuonso, adi alama bantu babi ne bantu bimpe.

### Misambu 139.8 ne 12

Binabanda mu diulu, wewe udiku! Binavuisha Muaba wa Bafue bu muaba wanyi wa kulala, mona, wewe udiku! . . . midima mene kayena ijibakasha bintu bua kubisokoka kudi, butuku budi butema bu munya; bua midima idi bu munya kudi.

### Yobo 34.21, 22

Bualu bua yeye udi uteka mesu andi ku nshila idi muntu wendella, udi umona biendedi biandi bionso. Kakuena midima, kakuenanu mufitu mukole kudi benji ba malu mabi bamanye mua kusokomena.

### Luka 8.17

Kakuena bualu busokoka buahanga kusokolodibua; kakuena bualu bua mu musokoko buahanga kumanyibua ne kumueneka.

**Matayo 25.46**

Bantu aba nebaye mu dikenga dia tshiendelele, kadi bantu bakane nebaye mu muoyo wa tshiendelele.

**Matayo 13.41, 42**

Muana wa muntu neatume banjelo bandi, nebasungulule mu bukelenge buandi benji ba malu mabi ne bintu bionso bidi bilednuisha bantu, nebabiele mu tshikutu tshia kahia; muadi newikalemu ne kusumakana menu.

**Matayo 18.8**

Biakulenduisha tshianza tshiebe, anyi dikasa diebe, watshikosa, watshimasha; bua wewe kubuela

mu muoyo ne tshilema ne kuzobela kudi kutamba bua wewe kui-mashibua mu kahia ka tshiendelele ne bianza bibidi ne makasa abidi.

**Misambu 9.17**

Budi bantu babi n'abu mbua kualukila mu Muaba wa Bafue; bonso mene ba mu bisamba bia bantu badi bahua Nzambi muoyo nebenze nunku.

**2 Petelo 3.7**

Kadi bua dî diodiumue diulu didiku katataka ne buloba kabidi biakabutshidibua bua kuhia ne kahia bilamibue tô ne ku dituku dia dilumbulula ne dia dibutuka dia bantu badi babenga Nzambi.

## Ebelu 9.27

Bualu bua budi busunguila bantu bua kufuabo musangu umue, ne ku nyima kua bualu ebu kulumbulula kudiku.

## Bienzedi 17.31

Bua ye ye wakasungula dituku didiye ulumbuluisha ba ha buloba mu buakane kudi muntu wakasunguleye. Ye ye kabidi waka ha bantu bonso ditabusha dia bualu ebu, bua ye ye wakamubisha ku lufu.

## 1 Yone 4.17

Mu muanda eu dinanga dia-kukumbashibua kutudi tshishiki, bua tuetu tuikale ne dikima halua

dituku dia dilumbulula; bualu bua bu mudiye emu, tuetu tudi emu kabidi ha buloba ebu.

## 2 Kolinto 5.10

Bualu bua butudi n'abu mbua kumueneshibua buonso buetu ku mpala kua tshilumbuluidi tshia Kilisto, bua muntu ne muntu kuangateye bintu bia mu mubidi wandi bu muakenzenzeye, nasha malu mimpe nasha malu mabi.

## 2 Petelo 2.9

Mukelenge udi mumanye mua kuhandisha bantu bandi bimpe mu mateyi abo, ne mua kulama bantu babi mu dikenga tō ne halua dituku dia kulumbulula.

**2 Kolinto 9.15**

Tuasakidila kudi Nzambi bua kuha kuandi kudi kakui mua kumbibua.

**2 Kolinto 8.9**

Nudi bamanye ngasa wa Mukelenge wetu Yesu Kilisto ne, Ye-ye wakadi mubanshi, kadi wakalua muhele bua bualu buenu, bua nuenu nulue babanshi ku buhele buandi.

**Lomo 5.15**

Kadi bushihi bua mikenshi kabuena bu diha dia luse dia Nzambi. Bua bikala bantu bangi bakafua bua bushihi bua mikenshi bua muntu umue, ngasa wa Nza-

mbi ne diha dia ku ngasa wa ku-di muntu umue, Yesu Kilisto me-ne, biakatamba kukumbanyina bantu bangi.

**1 Petelo 5.5b**

. . . Nzambi udi uhidia badi badisue, kadi udi uha badi badi-huekesha ngasa.

**Lomo 9.16**

Nunku luse elu kambua disua dia muntu, anyi bua bienzedi bia muntu, kadi anu bua Nzambi udi ufua luse.

**Bienzedi 4.33**

Bapostolo bakadi bamba ne bukole bua bungi bua dibika dia Mukelenge Yesu ku lufu, ngasa wa bungi wakadi n'abo bonso.

## Bienzedi 3.19

Kudimunai mitshima yenu, andamukai kabidi, bua mibi yenu ijimishibue; bua bikondo bia kunkankamasha bifume ku mesu kua Mukelenge.

## Bienzedi 17.30

Diambedi Nzambi wakahitshisha bantu bikondo bia buhote buabo hatuhu, kadi katataka ye-ye udi wela mukensi ne, Bantu bonso badi kuonso bakudimune mitshima yabo.

## 2 Kolinto 7.10

Bualu bua kanyinganyinga kadi Nzambi musue kadi kenze-sha dikudimuna dia mutshima

tô ne ku luhandu ludi kalui luvuisha dibungama: kadi kanyinganya-ninga ka ha buloba ebu kadi kavuisha lufu.

## Luka 13.3

Ndi nuambila ne, Nasha; kadi binuikala kanui nukudimuna mitshima yenu, buonso buenu ne-nufue muomumue.

## Bienzedi 2.38

Petelo wakabambilila ne, Kudimunai mitshima yenu, nubatiji-bue buonso buenu mu dina dia Yesu Kilisto bualu bua kunujimi-shilabo mibi yenu; nunku nenua-nigate kuha kua Nyuma Muimpe.

**Bienzedi 5.31**

Nzambi wakamubisha ne tshianza tshiandi tshia balume bua kuikaleye Mukelenge ne Musungidi, ne bua kuheye Isalele kukudimuna kua mitshima ne kujimisha kua mibi.

**Buakabuluibua 3.20**

Tangila, ndi mudimanyike ku tshibi, ndi nkokelaku. Biunvua muntu dî dianyi, ne udi ungunzuluila tshibi, nembuele kudiye, nedie n'andi bidia, ne ye ye neadie n'anyi.

**Yeshaya 55.7**

Muntu mubi alekele kuenda mu nshila wandi mubi, udi kayi muakane alekele meji andi mabi;

ahingane biandi kudi Yehowa, ye ye neamufuile luse; ne kudi Nzambi wetu, bualu bua ye ye neatambe kumubuikidila mibi yandi.

**Matayo 6.14**

Binuajimishila bantu mibi yabo, Tatu wenu udi mu diulu neanujimishile mibi yenu.

**Yehezekele 18.21**

Kadi bialekela muntu mubi malu mabi andi onso akenzeye, biatumikileye mikenji yanyi yonso ne bienzeye malu adi makanganane ne mikenji ne malu adi makane, neikale ne muoyo bullela, kena ufua nansha.

## Efeso 5.11

Kanuikadi ne buobumue ne midimu mienza mu mîdima idi kayi ikuama mamuma mimpe; kadi nubatushe bua mianda ei.

## Yeshaya 1.16

Nudioxeshe bienu, nudilengeshe; numushe bubi bua bienzedi bienu ku mesu kuanyi; nulekele kuenza malu mabi.

## Tito 2.11, 12

Bualu bua ngasa wa Nzambi wakamueneka, mutuadile bantu bonso luhandu; utuyisha ne, Hatuahidia malu adi kâi a Nzambi ne nkuka ya ha buloba, tuikale ne

meshi mahuekele ne makane ne a Nzambi hatutshidi ha buloba ebu.

## Kolosai 3.2

Nuteke meshi enu ku malu a mu diulu, kanuateki ku malu a ha buloba.

## 1 Yone 2.15, 16

Kanusu malu a ba ha buloba, anyi bintu bia ha buloba. Biasua muntu malu a ba ha buloba, dinanga dia Tatu kadiena munda muandi. Bualu bua malu onso a ha buloba, lukuka lua mubidi, ne lukuka lua mesu, ne kudisua kua muoyo, kêna mafume kudi Tatu, kadi adi mafume ku buloba.

**1 Petelo 1.23**

Bualu bua nuakaledibua tshia-kabidi, kenku bintu bidi bijimina, kadi ku bintu bidi kabî bijimina, ku dî dia Nzambi udi ne muoyo ne udiku tshiendelele.

**1 Yone 2.29**

Binuamanya ne, Yeye udi mua-kane, nudi bamanye ne, Muntu yonso kabidi utu wenza malu ma-kane wakuledibua kudiye.

**Yone 3.3**

Yesu wakamuandamuna ne, Bulelela, bulelela, ndi nkuambi-la ne, Bikala muntu kai muledibue tshia-kabidi, kena mumanye mua kutangila bukelenge bua Nzambi.

**2 Kolinto 5.17**

Nunku bikala muntu mu Ki-listo, yeye udi mufukibue muhia-muhia; malu makulukulu akaya, monai, akalua mahia-mahia.

**Yehezekele 36.26**

Nennuhe mutshima muhia-muhia kabidi, nenteke nyuma muhia-muhia munda muenu; nengu-mushe mutshima udi bu dibue munda muenu, nennuhe mutshima wa buntu.

**1 Yone 5.18**

Tudi bamanye ne, Muntu yonso udi muledibue kudi Nzambi katu wenza malu mabi; kadi yeye udi muledibue kudi Nzambi udi udilama, ne mubi kena umulenga.

## Galatia 5.24

Badi mu Kilisto Yesu bakama-na kushiha mubidi ne milou yau ne nkuka yau ku mutshi mutshiamakane.

## Lomo 6.2 ne 11

Tuetu bakafua ku bubi, munyi mutuikalemu kabidi? . . . Mu-mumue nuenu kabidi, nudibale ne, Tudi bafue ku bubi, kadi tudi ne muoyo kudi Nzambi mu Ki-listo Yesu.

## Efeso 2.1 ne 6

Ne Nzambi wakanuvuisha ne muoyo hanuakadi bafue bua ku-shiha kuenu kua mikensi ne bua malu mabi enu . . . wakatubisha

n'andi hamue, wakatushikika n'a-ndi hamue mu miaba ya mu diu-lu mu Kilisto Yesu.

## 1 Petelo 2.24

Yeye muine wakatutuadila ma-lu mabi etu mu mubidi wandi ku mutshi mutshiamakane, bua tue-tu, bamane kufua ku malu mabi, tuikale ne muoyo wa ku buakane; kunuakuondahibua ku mibunda-bunda yandi.

## Kolosai 3.1

Nunku binuikala babishibue hohamue ne Kilisto ku lufu, nu-kebe malu a mu diulu, mudi Ki-listo, mushikame ku tshianza tshikole tshia Nzambi.

**Yone 5.24**

Bulelala, bulelala, ndi nuambila ne, Unvua dî dianyi, witabusha wakuntuma, udi ne muoyo wa tshiendelele, kena ulua ku tshilumbu, wakumuka mu lufu, wakubuela mu muoyo.

**Lomo 6.23**

Bualu bua difutu dia bubi ndufu, kadi diha dia luse dia Nzambi mmuoyo wa tshiendelele mu Kilsto Yesu Mukelenge wetu.

**Galatia 6.8**

Muntu udi ukunyina mubidi wandi bintu, neahuolele mubidi wandi bintu bibole; kadi muntu

udi ukunyina Nyuma bintu, neahuole muoyo wa tshiendelele bua Nyuma.

**Yone 3.36**

Udi witabusha Muana udi ne muoyo wa tshiendelele; kadi udi uhidia Muana kena umona muoyo, tshishi tshia Nzambi tshidi tshishala n'andi.

**Yone 3.14, 15**

Bu muakabisha Mose nyoka mu tshihela, nunku budi Muana wa muntu n'abu mbua kubishibua muomumue; bua muntu yonso witabusha lkale ne muoyo wa tshiendelele bualu buandi.

## Galatia 4.6

Ne bualu bua nudi bana, Nzambi wakatuma Nyuma wa Muna wandi mu mitshima yetu, wela dî diandi ne, Aba, Tatu.

## 1 Yone 4.13

Mu muanda eu tudi bamanye ne tuetu tutu tuikala munda mundai, ne ye ye utu wikala munda mu etu, bualu bua wakutuha dia dia Nyuma wandi.

## Yone 14.21

Udi ne mikenshi yanyi, udi uyenza, ngudi munsue; Tatu wanyi neasue wansua, meme nemusue kabidi, nendimueneshe kudiyé.

## Lomo 8.16

Nyuma Muimpe muine udi mumanyishangane ne nyuma yetu ne, Tu etu tudi bana ba Nzambi.

## 1 Yone 3.18 ne 19

Bana bakese, katunanganganyi ku mei anyi ku ndimi; kadi tunangangane mu bienzedi ne mu bulelela. Mu muanda eu netumanye ne, Tudi ba bulelela, netuholeshe mitshima yetu ku mesu kuandi.

## Yeshaya 32.17

Dimuma didi buakane bukuma nedikale ditalala, malu adi alonda buakane neikale ditalala ne ditekemena tshiendelele.

**Yone 15.11**

Nakunuambila malu â bua disanka dianyi kuikaladi munda muenu, ne bua disanka dienu kukumbanadi.

**Yone 17.13**

Kadi katataka ndi ndua kûdi; ndi ngamba malu â ha buloba bua disanka dianyi kukumbanadi munda muabo.

**Yeshaya 12.3**

Nunku nenuhatule mai ne disanka mu bina bia mai bia luhandu.

**Galatia 2.20**

Nakashihibua ku mutshi mtshiamakane ne Kilisto; nunku kememe kabidi udi ne muoyo,

kadi Kilisto ngudi muoyo munda muanyi; ne muoyo undi n'au mu mubidi katataka ndi n'au mu ditabusha dia mu Muana wa Nzambi, wakannanga, wakadifila bua bualu buanyi.

**Lomo 14.17**

Bua bukelenge bua Nzambi kabuena bualu bua kudia ne bua kunua, kadi mbua buakane ne ditalala ne disanka bia mu Nyuma Muimpe.

**Misambu 16.11**

Wewe neundeshe nshila wa muoyo. Tshiuwidi tshia masanka tshidi ha buihi n'ebe; masanka adi mu tshianza tshiebe tshia balume tshiendelele.

**Lomo 6.16**

Kanuena bamanye ne, Unudi nudifila kudiye bu bahika bua kumutumikila, nudi bahika ba unudi nutumikila; ne ba bubi tō ne ku lufu, ne ba ditumikila tō ne ku buakane?

**2 Tesalonike 1.7-9**

Ne bua kunuheye nuenu badi bakengeshibua dikisha hohamue n'etu, ku dibuluibua dia Mukelenge Yesu halueye mu diulu ne banjelo ba bukole buandi mu kahia kadi kakenka. Neadisombuele kudi bantu badi kabai bamanye Nzambi ne kudi badi kabai batumikila lumu luimpe lua Mukelenge wetu Yesu; bo-

bo aba nebahete dikenga, dibutuka dia tshiendelele mene, dia ku mesu kua Mukelenge ne ku butumbi bua bukole buandi.

**Lomo 2:13**

Badi bakane ku mesu kua Nzambi kembunvu ba mikenshi, kadi benji ba mikenshi nebabinishibue.

**Dutelenome 11.26-28a**

Tangilai, nakateka disanka ne mulau ku mpala kuenu lelu. Binunvua mikenji ya Yehowa, Nzambi wenu, inakunuambila lelu, nenuhete disanka; binuahidia kunvua mikenji ya Yehowa, Nzambi wenu, nenuhete mulau.

## Filipoi 2.11

Ne bua ndimi yonso yambe hatoke ne Yesu Kilisto udi Mukelenge, tō ne ku butumbi bua Nzambi Tatu.

## Matayo 10.32, 33

Muntu yonso wangitabusha ku mesu kua bantu, meme nemuitabushe kabidi ku mesu kua Tatu wanyi udi mu diulu. Kadi muntu yonso wampidia ku mesu kua bantu, meme nemuhidie kabidi ku mesu kua Tatu wanyi udi mu diulu.

## Lomo 10.9, 10

Biwajukula ne mukana muebe ne, Yesu udi Mukelenge, ne biwitabusha mu mutshima webe

ne, Nzambi wakamubisha ku ba-fue, neusungidibue. Bualu bua bantu badi bitabusha ne mutshima bua kuheta buakane, badi bajukula ne mukana bua kuheta lu-handu.

## 1 Yone 2.23

Muntu yonso udi uvila Muana, ye ye kena ne Tatu; kadi muntu udi ujukula Muana udi ne Tatu kabidi.

## Luka 9.26

Muntu yonso udi unfua meme ne mei anyi bundu, Muana wa muntu neamufue ye ye bundu, ha-lueye ne butumbi buandi ne bua Tatu ne bua banjelo ba tshijila.

**1 Petelo 5.8**

Nuikale bahole, nutabale; muena lukuna wenu, diabolo mene, udi wendakana bu nyama wa ntambue udi ukungula, ukeba bantu ba kudieye.

**Efeso 6.11**

Luatai bintu bionso bia nvita bia Nzambi, bua nuenu numanye mua kuimana bakandamana ku mpala kua mateyi a diabolo.

**Matayo 4.1 ne 10, 11**

Hashishe Nyuma wa Nzambi wakalombola Yesu mu tshihela bua diabolo amuteye... Yesu wakamuambilila ne, Satana, umuka;

bualu bua bakufunda dî ne, Ku-kuila Mukelenge Nzambi webe, umuenzele ye ye nkayandi mudimu. Hashishe diabolo wakamusshia; ne monai, banjelo bakalua, bakadi bamukuatshisha ne bia-kadiye n'abi bualu.

**Bienzedi 26.18**

Bua wewe kubulula mesu abo, bakome nyima ku midima batangile ku munya, bakoma nyima ku bukole bua Satana batangile kudi Nzambi, bua bobo bahete dijimisha dia mibi yabo ne buhanyi munkatshi mua badi ba-lengeshibue ku ditabusha didibo bangitabusha n'adi.

## 2 Kolinto 10.4

Bualu bua bintu bietu bia nvita kabiena bia mubidi, kadi bidi bikoole ku mesu kua Nzambi bia kushimbula n'abi ngumbu ya nvita.

## Yakobo 4.7, 8a

Nunku nudikokeshe kudi Nzambi; kadi nukandamene diabolo ne yeye neanunyeme. Semenai ha buihi ne Nzambi ne yeye neasemene ha buihi n'enu.

## Lomo 8.35 ne 37

Udi mua kutuhandulula ku dinanga dia Kilisto nganyi? Ntatu idi mua kuenza nunku, anyi kanyinganyinga, anyi tshinyangu, anyi tshiole, anyi butaka, anyi njû, anyi muele wa nvita? . . .

Nasha; mu malu â onso tudi tutamba kuhita bualu bua bukole bua Yesu wakatunanga.

## 1 Yone 3.8

Yeye utu wenza bibi udi wa diabolo; bualu bua diabolo udi muenze bibi ku tshibangidilu. Bua bualu ebu Muana wa Nzambi wakamueneshibua bua kubutuleye midimu ya diabolo.

## Ebelu 2.14

Bualu bua bana bakuabanya-ngana mubidi ne mashî, yeye muine kabidi wakadiangatshila bintu bin'ebe muomumue; bua ku lufu luandi yeye amuvuishe tshianana udi ne bukole bua lufu, ndiabolo mene.

## 1 Yone 3.14

Tudi bamanye ne, Tuakumuka ku lufu, tuakubuela mu muoyo, bualu bua tudi tunanga bana betu. Yeye udi kai ne dinanga udi muikale mu lufu.

## 1 Yone 4.20

Biamba muntu ne, Ndi nanga Nzambi, ne yeye udi ne muan'abo lukuna, yeye udi muena mashimi; bualu bua udi kai unanga muan'abo wakutangileye, kena mumanye mua kunanga Nzambi udiye kai mutangile.

## Yone 21.16

Wakamukonka tshia kabi di ne, Simona wa Yona, udi munna-

nge, anyi? Yeye wakamuambila ne, Bulelela, Mukelenge, wewe udi mumanye ne, Ndi mukusue. Yesu wakamuambila ne, Ulame mikoko yanyi.

## 1 Kolinto 13.1

Binakula ne ndimi ya bantu ne ya banjelo, kadi bingikala tshî ne luse, nakulua bu tshiamu tshia mitaku tshidibo bakuma, anyi bu dikasa didi diakula.

## Galatia 5.22, 23a

Kadi mamuma a Nyuma adi dinanga, disanka, ditalala, lutulu, luse buimpe, bunanukidi bua lulamatu, kudihuekesha, kudikanda.

## Lomo 4.24b

... Yesu Mukelenge... wakafidibua ku lufu bua malu mabi etu, wakabishibua bua dibingishibua dietu.

## Bienzedi 10.39-41

Tuetu tudi bamanyi ba malu onso akenzeye mu luseke lua Bena Yuda ne mu Yelushalema; bakamushiha mukudika ku mutshi mutshiamakane. Nzambi wakamubisha hakahita matuku asatu; kakamumuenesha kudi bantu bonso, kadi wakamumuenesha anu kudi bamanyi bakasungula Nzambi diambedi, batuetu aba, mba-

kadia n'andi, mbakanua n'andi hakabikeye ku lufu.

## Yone 20.26-28

Hakahita matuku muanda mukulu kabidi, bayidi bandi bakadi mu nsubu, Toma wakadi n'abo. Bibi biakadi binshila, Yesu wakalua, wakimana munkatshi muabo, wakamba ne, Ditalala dikale kunudi. Yeye wakambilila Toma ne, Tuma munu webe kunoko, umone bianza bianyi; tuma tshianza tshiebe, utshibueshe mu lubadi luanyi; kuikadi ne mpata, witabushe. Toma wakamuandamuna ne, Mukelenge wanyi ne Nzambi wanyi.

## 2 Kolinto 4.14

Tudi bamanye ne, Wakabisha Mukelenge Yesu ku lufu neutubishe kabidi ne Yesu, neatumuneshe n'enu ku mesu kuandi.

## Lomo 6.3-5

Kanuena bamanye ne, Tuetu bonso bakabatijibua mu Kilisto Yesu, tuakabatijibua mu lufu luandi? Ke tuakajikibua n'andi ku dibatiza mu lufu, bualu bua bu mudi Kilisto mubishibue ku bafue bua butumbi bua Tatu, muomumue kabidi butudi n'abu mbua kuenda mu muoyo muhiamuhia. Bituikala babumbakash

n'andi mu tshifuanyikishi tshia lufu luandi, netuikale babumbakash n'andi kabidi mu tshifuanyikishi tshia dibika diandi dia ku lufu.

## Yone 5.25 ne 28,29

Bulelela, bulelela, ndi nuambila ne, Diba nedilue, didiku kata-taka mene, diunvua bafue dî dia Muana wa Nzambi; badi bunvua nebikale ne muoyo . . . Kanukemi bua bualu ebu; bualu bua diba nedilue diunvua bonso badi mu nkita dî diandi, nebajuke; bakenzenza bimpe nebajuke mu dibika dia muoyo, bakenzenza bibi nebajuke mu dibika dia dihila.

**2 Kolinto 7.1**

Bana betu, bualu bua tuetu tudi ne milayi ei, tudilengeshe ku manyanu onso a mubidi ne a nyuma, tukumbashe tshijila tshietu mu ditshina dia Nzambi.

**2 Timote 2.21**

Nunku biumusha muntu malu mabi â munda muandi, ye ye nei-kale bu tshitekelu tshiteka bua buneme, tshia tshijila, tshikumbane mudimu wa mukelenge, tshilongolola bua mudimu mui-mpe wonso.

**1 Petelo 1.15**

Bu mudi ye ye wakanubikila udi wa tshijila, nunku nuenu ka-

bidi nulue ba tshijila mu malu onso a muoyo wenu.

**Efeso 1.4**

Bu muakatusunguleye munda muandi diambedi ye ye kai muanje kufuka buloba, bua tuetu tuikale bantu ba tshijila badi kabai mua kubandibua ku mesu kuandi mu luse.

**1 Petelo 1.2**

Badi basungudibue bu mudi budianjidi kumanya bua Nzambi. Tatu mu kujidibua kua Nyuma Muimpe, bua kuikalabo ne ditumikila ne kumiamina kua mashi a Yesu Kilisto; ngasa kunudi ne ditalala bivulangane.

**Ebelu 13.12**

Nunku, Yesu kabidi, bua kuji-dileye bantu ne mashi andi, wakakenga ha bule ha tshibi tshia musoko.

**1 Yone 1.9**

Bituatonda mibi yetu, yeze udi wa kueyemenyibua ne udi ne buakane bua kubuikidila mibi yetu, ne bua kutulengesha ku malu mabi onso.

**Yeshaya 35.8**

Tshibebe ntshikaleku, ne nshila, nebamubikile ne, Nshila wa Tshijila; badi kabayi balengeshi-bue ku bubi buabo kabena bamanye mua kuhitshilaku, kadi

neikaleku bua bantu bandi; be-na luendu, nansha bahote mene, kabena bendelamu.

**Matayo 3.11**

Bulelela, ndi nubatiza mu mai bualu bua nuenu nukudimune mitshima yenu; kadi udi ulua ku nyima kuanyi udi muntambe me-me, tshieni ne buakane bua kuttala bisabata biandi; yeze neanubatize mu Nyuma Muimpe ne mu kahia.

**Luka 1.74, 75**

Ne, Hanuasungidibua mu bia-nza bia badi n'enu lukuna, Nenu-ntendelele mu buimpe ne mu Buakane ku mpala kuanyi matuku enu onso, kanui nutshina.

## Bienzedi 1.8a

Kadi nuenu nenuangate bukole, hanuhuekela Nyuma Muimpe ham'bidi henu; nenuikale bamanyi banyi. . .

## Bienzedi 4.31

Hakatendelelabo Nzambi nunku, muaba wakadibo badisangisha wakakankishibua; buonso buabo bakadi bûle tente ne Nyuma Muimpe, bakamba dî dia Nzambi ne dikima.

## Lomo 8.9

Kadi nuenu kanuena nuikala mu malu a mubidi, nudi nuikala mu malu a Nyuma, bikala Nyuma wa Nzambi munda muenu.

Ne bikala muntu kai ne Nyuma wa Kilisto, kena wa Kilisto nasha.

## Bienzedi 13.52

Bayidi bakadi bûle tente ne disanka ne Nyuma Muimpe.

## Luka 11.13

Nunku nuenu bantu babi, binuamanya mua kuha bana benu bintu bimpe, Tatu wenu wa mu diulu kena uha batu bamulomba Nyuma Muimpe, anyi?

## Yehezekele 36.27

Nenteke Nyuma wanyi munda muenu, nennuendeshe mu mikenji yanyi mifunda, nenutumikile mikenji yanyi, nenuyenze.

## Misambu 37.3

**Eyemena Yehowa ne enza malu mimpe; nunku neushikame mu buloba, neudie bia kudia mu dimueyemena diebe.**

## Buakabuluibua 21.4

**Yeye neakuhule tshinsonshi tshionso ku mesu kuabo; ne lufu kaluena luikalaku kabidi; madilu kēna ikalaku kabidi, nasha mudi, nasha kanyinganyinga kabidi; malu a kumudilu akumuka.**

## Yeshaya 66.2

**Yehowa udi wamba ne, Bua tshianza tshianyi tshiakufuka bintu ebi bionso, ne bintu ebi bio nso biakulua bainyi. Kadi eu mmuntu undi ntekemena, nyeye**

**udi ne mutshima muhuekele ne wa majia, udi uzakala ku dī dianyi.**

## Misambu 34.18

**Yehowa udi ha buihi ne bantu badi ne mitshima idi itamba kuni yingalala, udi usungila badi ne mitshima ya majia.**

## 1 Petelo 4.12, 13

**Bananga, kanukemi bua dikenga didi bu kahia munkatshi muenu diakalui la kunudi bu diteta, bu bualu buhia-buhia buakanukuata; kadi bualu bua nudi babanyanganyi ba makenga a Kilsto, nusanke; bua nuenu nusanke kabidi ne disanka dinene ku dibuluibua dia butumbi buandi.**

**Yeshaya 43.2**

Hawahitshila mu mai, nengikale n'ebe; hawahitshila mu misulu, kayena ihasalala ha mutuhebe; hawahita mu kahia, kuena ushila, ludimi lua kahia kaluena lukuosha.

**Ebelu 2.18**

Bualu bua ye ye nkayandi wakakenga hakateyibueye, ye ye udi mumanye mua kukuatshisha badi bateyibua.

**1 Kolinto 10.13**

Kakuena diteta diakunukuata didi kadi dikuata muntu yonso; kadi Nzambi udi mua kueyemnyibua, ngudi kai witabusha bua

nuenu nutetshibue ne diteta didi dinuhita bukole; kadi halua diteta, ye ye neanuenzele nshila wa kuhandukila, bua nuenu numanye mua kutantamana mu diteta.

**Lomo 8.28**

Tudi bamanye kabidi ne, Malu onso adi akuatshishangana bua kuvuisha diakalengele kudi bantru badi bananga Nzambi, kudi badi babikidibue bu mudi disungula diandi.

**Misambu 34.19**

Makenga a muntu muakane adi a bungi; kadi Yehowa udi umusungila ku buonso buau.

## Buakabuluibua 2.7

Udi ne matshu unvue budi Nyuma wambila ekelesia. Kudi udi uhita bukole, kudi yeye mene, nemuhe bua kudieye mutshi wa muoyo udi mu Paladiso wa Nzambi.

## Buakabuluibua 3.21

Udi uhita bukole nemuhe bua kushikameye n'anyi mu nkuasa wa butumbi, bu munakatamba bukole ne munakashikama ne  
Tatu wanyi mu nkuasa wandi wa butumbi.

## Buakabuluibua 3.12

Udi uhita bukole, nemuvuishe dikunshi mu ntempelo wa Nz-

mbi wanyi, ne kena uluhukamu kabidi; ne nenfunde dina dia Nzabi wanyi ham'bidi handi, ne dina dia tshimenga tshia Nzambi wanyi, Yelushalema muhia-muhia mene, tshidi tshihueka hanshi, tshifuma mu diulu kudi Nzambi wanyi, ne dina dianyi meme dia-dihia.

## Buakabuluibua 3.5

Udi uhita bukole nealuatshishibue nunku ne bilulu bitoke, ne  
meme tshieni njimisha dina dia-ndi mu mukanda wa muoyo na-sha kakese, ne nenjukule dina dia-ndi ku mpala kua  
Tatu wanyi, ne ku mpala kua banjelo bandi.

## Matayo 5.32

Kodi meme ndi nuambila ne,  
 Biahidia mulume mukashi wandi,  
 kabui bua masandi, neamu-  
 vuishe muena masandi; wabaka  
 mukashi muhidia nunku neikale  
 muena masandi.

## Luka 16.18

Wahidia mukashi wandi, waba-  
 ka mukuabo, udi muena masa-  
 ndi; wabaka mukashi muhidia  
 kudi mulume wandi unnku udi  
 muena masandi.

## Lomo 7.2, 3

Mukashi udi ne bayandi, udi  
 musuikibue kudi bayandi ne mi-  
 kenshi hatshidiye ne muoyo; kadi  
 biafua bayandi, mukashi udi mu-

suluibue ku mukensi wa baya-  
 ndi. Nunku, hatshidi bayandi ne  
 muoyo, biabakibua mukashi kudi  
 munga mulume, nebamuidike ne,  
 Muena masandi; kadi biafua ba-  
 yandi, mukashi udi umushibua  
 ku mukensi wa bayandi, ne kena  
 muena masandi biabakibueye ku-  
 di mulume mukuabo.

## 1 Kolinto 7.10, 11

Ndi ngambilala bena dibaka dî,  
 kememe udi wamba kadi mMu-  
 kelenge udi ubambilala ne, Muka-  
 shi kumuki kudi mulume wandi,  
 (kadi biumukeye kudiye, ashale  
 biandi mujike, anyi alengeshe ne  
 mulume wandi) ne mulume kale-  
 kedi mukashi wandi.

## Yakobo 5.8

Nuikale ne lutulu kabidi, nujadike mitshima yenu, bualu bua dimueneka dia Mukelenge dia-kulua ha buihi.

## Yone 14.3

Binaya ne binanulongoluela muaba, nempingane kabidi, nenuangate kundi meme muine, bua kundi ngikala, nuenu nenuikaleku kabidi.

## Mâko 8.38

Muntu yonso udi unfua meme ne mei anyi bundu mu tshikondo etshi tshia masandi ne tshia malu mabi, Muana wa muntu neamu-

fue yeye bundu, halueye ne banjelo ba tshijila mu butumbi bua  
Tatu wandi.

## Buakabuluibua 3.11

Ndualua lubilu, ukuate bikole tshiudi n'atshi, bua muntu kanyengi tshifulu tshiebe tshia butumbi.

## Matayo 24.30

Hashishe, tshimanyinu tshia Muana wa muntu netshimueneke mu diulu; bisamba bionso bia ha buloba nebidile, nebimone Muana wa muntu ulua ha matutu a mu diulu ne bukole buandi ne butumbi buandi bunene.

## Luka 21.27

Hashishe nebamone Muana wa muntu ulua mu ditutu ne bu-kole ne butumbi bunene.

## 1 Yone 3.2

Bananga, katataka tudi bana ba Nzambi; kadi kabuena bua-nze kumanyibua mutuikala. Tu-di bamanye ne, Biamueneshibue-ye, netuikale bafuanangane n'a-ndi; bualu bua netumumone bu mudiye.

## Matayo 16.27

Muana wa muntu nealue mu butumbi bua Tatu wandi ne banjelo bandi; dituku adi neafute muntu yonso bu muakenzenzeye.

## Buakabuluibua 16.15

Tangila, ndi ndua bu muibi, Disanka didi kudi udi mutabale ne udi ulama bivualu biandi, bua ye ye kendakanyi butaka ne bua kabatangidi bundu buandi.

## Luka 12.40

Nuenu kabidi nudilongolole, bualu bua Muana wa muntu nea-lue ha diba dinudi kanui belanga-na meshi.

## Bienzedi 1.11

Ne bakamba ne, Nuenu Bena Galela, nudi bimane nutangidila mu diulu tshinyi? Yesu eu wa-kadi n'enu wakubandishibua mu diulu, nealue kabidi bu munua-kumumona ubanda mu diulu.

## **DIYI DIA NZAMBI**

**Dî diebe didi muinda ku makasa anyi ne munya muteme mu nshila wanyi.** —Misambu 119.105

**Kadi Yesu wakabandamuna ne, Nudi nuhambuka, kanuena bamanye Mukanda wa Nzambi ne bukole buandi.** —Matayo 22.29

**Diulu ne buloba nebijimine, kadi mei anyi kêna ajima.**

—Luka 21.33

**Bualu bua kakuena diyisha dia baprofete diakanza kulua ku disua dia muntu; kadi bantu baka-mba dî dia kudi Nzambi benzeha kudi Nyuma Muimpe.**

—2 Petelo 1.21

**Kanusangishi mei ha mutu ha dî dinakamuambilâ, kanumushi mei ku dî adi; bua nuenu nutumikile mikenji ya Yehowa, Nzambi wenu, inakanuambilâ.**

—Dutelenome 4.2

**Nakulama dî diebe mu mutshima wanyi, bua meme tshikuenzedi bibi.** —Misambu 119.11

**Dî dionso dia mu Mukanda wa Nzambi didi difume munda mua Nzambi bu muhuya wandi, ne didi ne mudimu muimpe wa kuyisha bantu, ne wa kubabela, ne wa kubadimusha, ne wa kubalongesha mu buakane bua Nzambi.**

—2 Timote 3.16

Text reprinted from the Bible in Tshiluba by permission of United Bible Societies Africa Regional Centre, Nairobi, Kenya.

---

Published in numerous languages by World Missionary Press as God supplies funds in answer to prayer. If you would like more copies for careful distribution, please write to us in English.

**World Missionary Press, Inc.  
P.O. Box 120  
New Paris, IN 46553-0120 USA**